

LA USC DI LADINS – VENERDI' 30 AGOSTO 2019

JOEGN

Sa mont per cognoscer l mond

N projet per i joegn de Fascia per miorer la relations

L'an passà l'era stat endrezà l projet «Chimica di Crescita», n percors che vardèa a la maor cognoscenza de se enstesc. Ades un chest troi l'è stat endrezà n auter laboratorie per descrior la relations anter persones e la fiduzia che va a se perder semper de più.

L'à inom «Una montagna di abilità» l projet sostegnù dal Pian di joegn La Risola che se ouc ai joegn anter i 17 e 27 egn. Chi che tolarà pèrt podarà passèr n fin de setemèna, dai 20 ai 22 de setember, sa mont

te Refuge Contrin per descrior l bel de aer confidenza coi etres. Se pontarà demez en vender ai 20 dal piaz de la funifor Dolèda ta Dèlba per passèr trei nets duc adum te utia. La sabeda Michela Marangoni de la Sociazion Antermoia, che l'à na gran esperienza de teater, la rejonarà de «dèr ousc». En domenica ai 22 da les 15:00 sarà na scontrèda de scambie averta a duta la comunanza, con la tecnica de Speed Dating american che l'è n sistem de rejonèr a na vida spediata per averjer

tant l'atività mentala che la creatività. Se rejonarà de besegnes, comunanza e davegnir.

L projet vegnarà prejentà con n aperitif en vender ai 6 de setember da les 18:00 al bar «El Zirm», a Sèn Jan e se podarà se enscinuèr fin ai 15 de setember, chianan Stefania al 340 8345228, Elisa al 347 8325237 o per mail a: pianogiovani.larisola.fassa@gmail.com. L'atività l'à n cost de € 30,00 che tol ite l stèr soranet e l magnèr te Refuge.



L Refuge Contrin sarà la senta del projet «Una montagna di abilità».